



Universitätsbibliothek Paderborn

**Instrvctio R.P. Ignatii Balsamonis Societatis Iesu,
Theologi. De Perfectione Religiosa, Et De Vera Recte
Orandi & meditandi methodo**

Balsamo, Ignazio

Coloniæ Agrippinæ, 1612

Cap. IV. Quomodo instituenda mentalis oratio.

[urn:nbn:de:hbz:466:1-48888](#)

110 INSTRVCTIO

QVOMODO INSTITVENDA
sit mentalis oratio.

CAP. III.

ORATIO mentalis est colloqui-
um siue sermocinatio interior
animæ cum Deo, cui in spiritu om-
nes suas petitiones & necessitates, si-
ne ullo verborum strepitu exponit.

Eius autem instituendæ duplex est
modus. Alter est quando anima per
se inuenit suspiria quibus Deum
alloquatur: ut si intrinsecus ei dicat:
*Benignissime Deus tot me beneficij or-
nasti, quibus ego digna non sum &c: da
mihi hanc gratiam &c:*

ALTER est, quando orationem
aliquam vocalem, (vti est oratio Do-
minica, vel alia quæpiam, quam me-
moriæ commendauerit) à principio
vsque ad finem, in spiritu secum ru-
minat, petitionesque in verbis orati-
onis illius contentas, Deo offert.

IN Oratione, id est, quando cum
Deo quis sermonem habet, tria vt
plurimum facere oportet: gratias a-
gere, petere, & offerre.

PETI-

ORAND. ET MEDIT. III

PETITIO in duobus generatim consistit, nimirum in petitione indulgentiæ aut remissionis peccatorum: & alterius gratiæ, boni, virtutis, aut rei quam desideramus. Hæc autem omnia ut rectius fiant, eorum praxin & usum breuiter monstrabimus.

QUOMODO REDDENDÆ
sunt Deo gratiae?

CAP. V.

UT Deo pro acceptis beneficijs debitæ persoluantur gratiarum actiones, necessarium est, ut quisque duplicem beneficiorum Catalogum penes se habeat, aut memoriter teneat. Alterum generaliū beneficiorum, quæ septem numerari possunt: puta: Creatio, Conseruatio, Redemptio, Fides, (id est, ad veram fidem vocatio;) Iustificatio, (quod nimirum Deus illum ad poenitentiam longanimitate expectauerit, reuentem suscepit, eiisque omnia peccata donauerit,) Communio sacraissimi corporis & sanguinis Christi, Vocatio ad diuinum seruitium.

Alterum